

# **BOICOT DAFECHU AL PROCEDIMIENTU D' EVALUACIÓN DEL PROFESORÁU ¡ESTO HAI QUE PARALO!**

El gobiernu asturianu acaba de poner en marcha dientro de los centros educativos el proyectu de “**SIGUIMIENTU DE L'ACTIVIDAD PROFESIONAL NA ALMINISTRACIÓN DEL PRINCIPÁU D'ASTURIES, LOS SOS ORGANISMOS Y ENTES PÚBLICOS**” que va ser un importante elementu perturbador nel procesu d'enseñanza y la convivencia nos centros.

SUATEA opónse dafechu a esti proyectu, presentáu en primera instancia como un ensayu, y que va a estropiar enforma les nuestres condiciones de trabayu:

- Porque quier convertir a los centros enseñanza en “unidaes de xestión” (UGE) pa con elles algamar unos “oxetivos cuantificables”, como si namás fueren cadenes de montaxe.
- Porque supón la imposición d'un modelu de calificación del profesoráu que nun aporta nada al sistema educativu asturianu nin respunde a les sos necesidaes reales.
- Porque solo quier someter al profesoráu a un sistema de recompenses a cambiu de la perda d'autonomía y responsabilidá personal, mientres se niega'l so derechu a la negociación colectiva y un salariu digne.
- Porque nun se negoció con nengún representante del profesoráu y s'impón por decretu.
- Porque incumple la ilegalidá saltando los calces de negociación ya información y pretendiendo que los directores asuman unes competencies que son propies del Cuerpu d' Inspección.
- Porque impón a les direcciones de los centros una burocracia pesada, complicada y al cantu lo absurdo, a cambiu de convertilos en cenciellos capataces combayones de trabayadores.
- Porque solo quier facer de cada profesor/a un afayadizu cumplidor d'aspectos puramente formales, ensin importa-y realmente la calidá de la so xera docente.
- Porque al gobiernu del Principáu d'Asturies nun-y importa nada la calidá de la enseñanza, sinón solo quedar bien delante la opinión pública y caltener convenientemente sometíu al profesoráu, a cambiu d'unes migayes que se van a negar al que nun “collabore”.
- Porque ye parte d'un plan a llargu plazu col envís de reducir plantiyes, mermar la ufierta d'enseñances y precarizar les condiciones de trabayu.

*¿Ye aceptable que se suxera como oxetivu pa un centru'l que “s' aprebe” a un 1 per cientu más del alumnáu n' ESO y Primaria o que se llegue a un númberu “x” d' entrevistes con padres y madres? ¿Ye que vamos a ser meyores profesionales por eso?*

**Dende SUATEA facemos un llamáu al BOICOT de tolos pasos d'esti procesu ,  
entamando pela elaboración del MAPA'L PUESTU TRABAYU.**

*Recordamos que la elaboración del mapa'l puestu trabayu ye voluntaria, y qu'almitióse a trámite la demanda presentada por SUATEA con pitición de suspensión cautelar d'esti proyectu.*